

臨江縣志

靜庵書端



3059

84431

臨江縣志卷之七

民族志

種族

宗教

性行

禮俗

言語 俗語附

服食

居室

器用

臨江縣志

卷七 民族志 目錄

臨江藝文齋印刷所印

1848

田  
江  
縣  
示

器

室

食

器

器

器

器

器

器

器

民族志緒言

民族之進化每隨政治爲轉移臨江未設治之先榛莽荒遐人民來自異地者往往自爲風氣而無團結之性實與野蠻民族相近也迨設官統治以來戶口日增漢滿回三族提携日出而作日入而息雍睦之風達於全境雖察其性行覘其禮教不無稍異之點而服食風尚冠婚喪祭房舍器用語言職業諸大端已漸化而爲一新國肇基皇恩浩蕩十餘萬民皆得信教自由如佛教道教理教耶蘇教熙熙皞皞同處王道之下其發展寧有極耶因志民族

不其歸如早於前事以志之

出與否候前詳和准據備錄以資參考

三烈余思用志之難其難入款也

四烈余思用志之難其難入款也

五烈余思用志之難其難入款也

六烈余思用志之難其難入款也

七烈余思用志之難其難入款也

烈余思用志之難其難入款也

## 種族

臨江僻在邊陲當夏商周時代肅慎氏民族居焉秦漢以還爲鮮卑氏民族所佔據隋唐之世盤踞斯地者爲靺鞨氏民族炎宋之朝爲女真氏民族所佔領自元明以迄清初高勾麗民族又蔓延於斯土迨清季設治以來居斯土者漢滿回三族而已漢族佔全數十分之七滿族次之回族又次之異族同種羣居樂處向無隔閡詐虞之情近數年來益見混合茲將各種族宗教禮俗等分晰志之以作移風易俗者之參考

## 宗教

社會非盡醇厚也人心非盡沕穆也裁之以道德類皆面從而心違制之以法律往往貌合而神離鬼蜮兇暴冥頑不靈聖賢不屑與教假神

道以教之庶乎洗心滌面納於軌物蓋以神道設教審定誠約使人崇拜信仰相誠爲善宗教之意義胥於是乎在焉志宗教

### 佛教

佛教之祖爲釋迦牟尼暨菩提達摩釋氏興於漢明帝至晉宋其道盛行菩提氏起於梁氏蕭衍至隋唐其道大振以普渡羣生超凡成佛爲宗旨魏晉之際高勾麗始聘西僧宏通釋典是爲佛教入遼東之始臨江自設治後城鎮鄉曲均無佛寺十數年前僅有一二僧人來去於縣屬各區最近有玄明者自五台山之掛月峯雲遊至臨頸披長髮頂束金質陀圈俗名陀頭僧善書法有親書之龍虎幟聯多種分送商農各戶其意在積蓄酬資擬選勝地創修佛寺沙門宗緒或可借以興起也

## 道教

崇拜衆神者謂之道教復謂多神教以太上老君爲教祖著有道德經傳世至東漢張道陵創爲道教迨晉代稱爲天師道宋元明清稱爲天師以經懺符籙陰陽方伎立教號爲靈寶宗亦曰正乙派以清靜寂滅敬神殛魔爲宗旨

### 萬法宮

臨江僻在邊陲從無道教清光緒二十二年始有李老道王元福等雲遊來臨積蓄緣資於城內興華街路北創修萬法宮正殿三楹東西廂各三楹倉房三楹殿西火神廟胡仙堂各一楹殿內塑有關聖及其他神像李王羽化後纘道統者現爲柏庭修之徒趙靜塵道侶五六名



城隍廟

在臨通門裡半里許西上坎民國十年住持道白圓春募緣建修正殿  
三楹東西廂各三楹鐘樓一現有道侶三

理教

理教係道教別派胤始於清初有五字真言爲觀世音菩薩專以戒忌  
烟酒爲宗旨皈依南海聖宗佛並祀開山羊祖及張尹諸先師教長爲  
領正隨時選擇日期鋪壇求順羅拜參佛釀資領茶而歸臨江理教有  
東西公所各一處

東公所

民國十年領正任不福於臥虎山麓東端創修茅屋三間名爲永善堂

俗稱東公所任坐化後王錫福繼傳道統勸募魯君盛發王君鳳藻等鳩工庀材改修正殿五楹東西廊各三楹畫棟彫樑燦爛奪目殿內銅佛及木彫佛像數尊西側修胡三太爺廟一座懸樑吊柱金碧輝煌頗稱壯觀東院有正房四間近來附設平民夜校招生四十餘名所請教員頗具熱心夫儒爲三教之宗該領正可謂知所注重者矣

### 西公所

臥虎山麓西端緣盤道屈曲而上至山腰有山門巍然南向上懸宮壽堂金字匾一額者西公所也民國初年有理教領正任不福結茅庵於此以爲講道室十一年重修草房三間十四年袁領正募邑紳趙金山張德友等積資創修正殿五楹東西耳房各兩間東西廊各三楹正殿

樹木彫佛像裝飾尊嚴兩旁陪座左列開山羊祖右列張尹兩仙師西  
間設胡仙三太爺法像仿清代官服制殿宇樑棟金碧輝煌頗壯山色  
任坐化後傳道統者爲劉領正劉坐化後袁領正繼承今則于領正住  
持之故此山麓之東公所亦任之所創也

### 天主耶蘇

專事獨神者爲天主教起於猶太先分希臘天主兩教次以基利斯督  
教耶蘇繼起別爲耶蘇教始分新舊兩派最初乃由大秦傳來之景教  
在中國李唐中葉尙屬舊派新派之傳入東亞確在有清中葉皆一神  
教也但天主以事主救靈教人行善爲宗旨耶蘇以誠心祈禱懺悔罪  
過上達帝庭爲宗旨天主尙禮法耶蘇重道義

## 天主教

美國司鐸徐恩來與孟副司鐸於民十七年秋來臨教友王青山姜鳳鳴等協助之於縣城設天主教會一處會址在中富街路南創設正房十二楹東西廂房各三楹樓房十二楹民二十年徐孟二司鐸他遷貢司鐸希賢繼任丹國人教友男女約一百八十人讀聖教要理等書傳教員乃趙敏學趙士禮沈耀峯等司事羅玉堂均熱心擴充廣行救濟臨江事變時貢司鐸首先提倡紅十字會以救受傷之軍民康德元年二月又附設天主堂公教會立聖心小學校以普濟貧家失學兒童學費減半其他費用均免課程與各小學校同

## 耶蘇教

民十四年秋有丹國路德惠牧師名柏衛者自莊河縣跋涉來臨總計籌款現洋一五〇〇元創修基督教會會址位於縣城文成街西頭路北會地面積三十六方丈修禮拜堂三楹牧師府樓房三楹鍾樓一座牧師程占元現有教徒四十餘人趙之久先生爲宣教士由十四年視事今已領洗其經典爲新舊約全書繼有醫士周湘泉創辦幼稚園一處附設該教會院內東廂課室二間教員室一間男女兒童約三十餘名

### 回教

回教爲天方教亦曰清真教創自摩罕默德其教崇信上帝不拜他神亦係一神教也唐時以武裝神權統一阿拉伯漸及西域至元代回回

始漸東來盛行於陝甘新疆雲南各省至清中葉回教漸及東省臨江設治後回民設禮拜寺於文富街民國初年縣城內即有回教教長兼擅政權凡冠婚喪祭諸禮均歸主管飲食禁忌最嚴素所誦習者爲托賴經可蘭經加塞教典諸書其人民多以牧養屠沽爲專業勤業務輕死生性質強悍本邑回教頗盛其教堂曰禮拜寺十數年前創設回民學校校址在文成街計男生三十名女生十八名

### 性行

全縣人民秉性剛直勇悍好鬥耐勞苦戒奢華重勤儉且多重義氣有古燕趙風設治前姑不具論自國體變更百度維新以還四民逐漸進化農民約居十分之五商民約居十分之一工藝約居十分之零五讀

書涉世者約居十分之一其餘則爲隨山刊木之木把此其大略也茲將四民性行分評於左

爲士者均能勤苦自勵重實學戒虛文自滿洲國成立後有志之士皆知研究新學並致力於諸子百家間有關心實學留學新京及外洋者且先年學成問世人士尙能實事求是熱心公務性行剛正蓋因境內山陵層疊靈秀使然也

爲農者終歲勤動不憚勞苦雖嚴寒酷暑毫無間斷境內平地鮮少山田最多故耕種之法不如內地之精然而堅忍耐勞始終罔懈觀其樸素之風猶不失農民本色洵堪嘉許

爲工者技術不精因離通都大邑遙遠運輸銷售諸多不便日用器其

不求精美故製造物品均極檢素境內除陶冶紡織木工外其餘工藝概不多見雖地勢使然而守舊之性是其短也

爲商者籍多魯省堅忍耐勞其特性也

木業富戶之家率多仗義疏財每爭先作公益事其好施與之美德蓋亦山川鍾秀之所致也

### 禮俗

施於上者爲風習於下者爲俗協和音律爲樂進退節文爲禮風以化之俗以沿之樂以調之禮以節之大而冠婚喪祭小而視聽言動禮俗而外似無可踐履者况問禮問俗聖賢且然等而下者豈容蕩檢逾閑謂禮俗無關輕重哉本邑開化最晚流氓雜居習氣各異土著無幾革



新後教育漸普及禮俗漸樸厚衣冠文物粗有可觀雖云百里不同風十里不同俗然而步亦步趨亦趨較之開化獨先之縣亦不能大相徑庭矣特將禮俗列後

舊歷正月一日黎明前家家陳几於庭供衆神於上名曰天地桌列香燭供品燃炸炮名曰接神黎明後移几於庭東每日焚香三次十五日後始撤四民輟業賀歲 初六日黎明商戶開市仍燃炸炮 十

三日人民耍龍燈龍船秧歌諸戲十七日始罷此鄉黨篇鄉人儺之義也 十五日張燈食湯圓名元宵節 二十五日爲倉日農家米

肆由二十四日起各以秫稽製耒耜之屬並飯置困廩中焚香致祭至二十六日止名曰填倉 二月初二日中和節俗稱龍抬頭日以驚

蟄率在此節前後故云

清明節家家祭掃並折柳枝置門側且婦

女以柳條爲小圈帶頭上仍有插柳紀年遺意

三月十六日爲老

把頭生日木業及挖人參者治席焚香設奠否則行深山中往往迷路

事詳物產志

二十八日天齊廟會

四月十八日娘娘廟會

二十八日藥王廟會

五月初五日端陽節人家檐前皆插蒲艾

食角黍飲酒小兒佩五色絲線謂除毒癘四民輟業賀節

十三日

俗傳關帝單刀赴會以是日爲雨節農民盼雨歷驗不爽

六月初

六日爲蟲王節農民設祭祈免蟲災

七月初七日爲乞巧節女子

於黎明置盞水於日中曬生膜投針則浮看水底針影成雲龍花草形者爲得巧若如椎如軸者爲拙徵猶天啓宮詞注遺意也

十五日

爲中元節道侶建醮於鴨綠江濱施放船燈爲孟蘭法會家家燒紙以祭亡魂 八月十五日爲中秋節家家中庭陳瓜果月餅以供月並飲酒賞月四民輟業賀節 九月初九日爲重陽節士人登高飲酒

十二月初八日家家以黍米煮粥謂之臘八粥 二十三日夕

祀竈 三十日除夕祀神祭祖貼春聯盛酒食卑幼謁尊長行叩首禮謂之辭歲

鄉間每於陰曆年家家舉行燕飲名曰會年茶 城鎮間官紳士商

等於新曆年均皆懸燈結彩休假數日以資宴會此即古鄉飲之義也凡朋友相見昔日以長揖爲尊禮今則以鞠躬爲致敬尤以握手爲最親敬 小兒誕生三日爲湯餅會親友以米麵鷄卵豚蹄牛鼻等物

相饋送名曰送乳至十二日設筵酬客名曰吃十二日 亦有百日

會親友者名曰吃百歲但二俗不襲用

鄉間男女兩家定親後嫁娶前幾日擇定吉日男通信於女家並送財物女家張筵款客名爲過禮 親友遷居敬送物品名爲溫鍋

商號開張戚友等以綾帨紙聯或以紅毡敬送者名爲賀號 舖主

設席相酬名爲開市酒 建築房屋或樓閣於落成時親友送禮致賀名爲賀落成

旱魃爲虐農民羣聚行走頭帶柳圈昇龍王牌位鑼鼓喧天遇廟堂焚香仰天叩首名爲禱雨 霖雨旣降應願唱戲謂之謝降

鄉間山神土地廟狐仙堂到處皆是每逢朔望鄉里有送香致敬者此

風相沿日久迷信誠難破也

鄉間請巫覡療病者名爲跳神

今者官府禁令頻頒此等惡劣風

氣漸就泯沒

### 婚嫁

易曰乾道成男坤道成女男女成婚人之大倫須以父母之命媒妁之言始得合兩姓之好苟無父母則尊長主之無尊長亦准自主循鄉曲之舊例須以年庚命屬彼此推算命屬既合始得成婚既成婚媒妁人居間酌議聘禮男家諏定吉日預邀親友與媒人偕至聘禮與女家俗呼爲定親 亦曰看媳婦 定立婚書名曰下柬 今則由官府發售婚書曰官婚柬 迎取期前一月內男家備送饌物猪米與女

家名曰過禮

外以金錢爲主多則二三百元少者百餘元名爲財

禮

婚期將近媒人送紅柬與女家名曰婚單柬

內註明婚期

時辰及命屬之忌避

迎娶前一日新郎鮮服披紅旗鑼導前男賓

數輦鼓吹隨後謁拜祖墓名曰拜墳

且走拜親友家名爲拜客

旋即乘綵轎繞行街市名爲亮轎

鄉間無抬轎多用車紮轎新

婦乘者圍以紅布旁飾八仙名爲綵轎

亦曰禧轎

新郎乘轎

飾用藍布名曰官轎

且有女賓一人名爲將女客

坐於綵轎

與新郎同往女家女之兄弟詣新郎轎前鞠躬致敬婿還禮下車偕至客室稍頃引婿拜先祖及岳父母並戚尊親屬輩畢則引婿復至客室用晚餐而車輛鼓樂等項概由男家隨行之經管人負責其人名爲大

總管

翌晨請新郎入內室女整紅粧與婿對面坐用紅箸數雙相授婿納袖中出而升轎女含粳米飯並以紅布覆面其伯叔或兄弟抱送轎內名爲抱轎 諸兄弟送至婿家新郎馳車先歸院中預設香案迨綵轎入庭用女婦二人進寶瓶二箇挾新婦兩腋內女賓扶新婦下轎踏紅毡至香案前站立候新郎行禮畢再扶新婦入室以馬鞍覆其門限新婦邁之入其兄弟用紅毡圍遮前進及入時新郎揭去新婦之首帕擲於屋上亦有送親人代揭者

新婦登床面向吉方坐女家親族將走前女賓給新婦理髮抹粉見男家親朋晚則紅燭高燒以紅絲繫制錢兩枚置於酒杯各一新郎新婦交飲此即古禮合盞之義 此日親友以金錢相贈名爲感禮

亦曰感人情

喜主設筵款待新郎當筵叩拜名爲拜席

次日

新郎新婦跪拜先祖翁姑以及尊長至親長輩當時各出財物相答名爲上拜錢

新郎之父或叔於筵間進饌第一盃時躬親至席筵前

挨次敬禮勸酒名曰告席

三日內鼓樂不止名爲吹三日

以

後生男懸弧

生女設悅

此則古風尙存焉

按婚嫁之禮本宜從俗革新以還鄉曲間多行文明結婚禮亦有株守舊規者但抱轎之禮殊不雅觀現改爲婦女扶轎及姑姊送轎頗多昔者新郎單行跪拜天地今則夫婦同拜者頗多至障面帕亦取銷大半矣

喪葬



當彌留時將死者更衣舁於靈床即曾參易箒之義 氣絕後卽以

銀片納於口中名爲口糧 孝子於路旁致祭連呼西南大路者三

名爲指路 每日朝午夕設奠 羣跪哭號於里中廟前並以湯

灌地名爲送漿水 含殮後子女成服均用斬衰男以半幅白布纏

頭復用棉團塞耳女用半幅白布覆首折疊三角名爲搭頭 以蔴

纏髮 男女俱以蔴繩束腰 取秫稽或柳條俱以白紙纏裏孝

子拄之名爲喪杖 越三日傍晚備香楮酒供哭祭於廟焚燒紙紮

車馬名爲送盤程 安葬以三日七日爲限俗曰出殯 安葬前

一日爲開弔 親友賻以麵食香楮各物亦有以輓帳輓聯猪羊供

紙等物致祭者弔客詣靈前行禮孝子跪拜致謝 翌晨發引遷柩

於喪舉名爲升棺

孝子執紼長子或承重孫執引魂旛於柩前引

路

孝眷哭泣相隨

戚友送至塋兆

壙深約三尺昇柩於

內孝子掬土柩上繞行三匝名爲封墓

助喪事者紛紛填土墳高

二三尺孝眷致祭舉哀畢各釋孝服麻繩棄孝杖於墓側

歸則盥

洗束髮或書牌位或立神主與繪遺容圖永存孝思

孝子於葬後

三日繞墓培土名爲圓墳

至滿七日前往設祭名爲燒頭七

以四十九日爲七七百日設筵酬客名爲燒百日

孝眷薙髮換服

至中筵暫着孝服至筵前行禮曰謝孝

三年除服

滿一歲爲

頭週年

二歲爲二週年

三歲服滿爲三週年

至富紳望

族或有停柩家奠諷吉殯葬遵制辦理喪事者其禮之繁儉與此多不

相同

按喪葬之禮古以小祥爲頭週年

大祥爲二週年

禫祭除服

爲三週年

其實孝子以哀戚爲主生則盡其孝死則盡其哀古之

制喪禮如此而已至舉辦喪事奢儉各殊蓋以人子之貧富定之養之豐即祭之薄亦有何傷而全境禮法之不能一致以居民均來自外省風氣迥異各安其俗之所宜耳

### 祭祀

歲時人民報本崇源均於堂前懸掛宗譜靜掃室壁陳設几案羅供品燒香燭奠酒羅拜用展孝思及追遠之誠

亦有陳設木主而無宗

譜者或因家道貧寒僅書宗親牌位供獻於壁間者祭祀三日二日不

等由除夕至元旦通霄不寐名爲守歲 至三夕或二夕夜半時將

宗譜木主宗親牌位俱撤 至元宵燈節又懸譜陳主祭祀仍如除

夕 元旦院內供天地牌位 廚中供竈君 祭儀皆相同

### 墓祭

陰歷正月十五日夜間家家均向祖塋焚燒香楮蒸送豆麵燈名爲送燈 亦有以臘燭代燈者 每歲清明民戶各到祖塋填土祭掃

焚化紙錢金銀箔及冥資包搭袋等物名曰上墳

陰曆七月十五日亦爲祭掃日家家都到先人墳塋前後省視芟易荆棘培填新土並焚燒香楮奠酒叩拜

陰曆十月初一日俗名爲十月節亦曰鬼節 人民紛紛拜掃墳墓

焚化楮帛醮酒致祭曰上墳亦謂送寒衣

陰曆臘月盡爲除夕

民戶之距墳近者親至墳前致祭遠者焚化

香紙於十字路口奠酒跪拜向墳墓連呼請先祖過年數聲名爲請年

按祭祀先祖之禮聖人垂教之大端也展孝思而追遠報本崇源各盡其誠故春露秋霜拜掃有常歲時伏臘均重家祭墓祭近世崇儉者流吸取新潮流而於祖德宗功蔑然不顧凡年祭時祭任意忽略殊不知禮爲敬之主敬爲禮之表可數典而忘祖哉

方言

攷古之方言卽土語俗語也囿於一方不能通行各地故曰方言其書凡十三卷爲漢楊雄所撰卽一名一物亦必詳其語言之異同訓詁家

多資考證如孫炎之註爾雅杜預之註左傳都援引之以證故實清代  
杭世駿復有續方言二卷攷覈詳盡極有根柢臨邑五方雜處籍多外  
省人民語言咙雜音韻各殊聽其語言便知情愫或操反語吐露真義  
或操文言道達俗情此職方者所以取重方言也

哈酒

即飲酒

歹飯

即吃飯

打腰

即有勢力之義

缺德

即作歹事之義

耍雄

即狡獪之義

火啦

即生氣之義

街溜

即無正業之義

跑腿

即孤身出外之義

吃晌

即吃午飯之義

遛達

即閒遊之義

夜隔

即昨天之義

夜來

同上

年上

即去年之義

小八怪

即形狀古怪之義

小樣

小勢小

癩癩熊色

均是模樣醜陋之義

不大離

均是不離

不離

均是好看之義

湊付

即將就之義

湊付事

即

能行之義

耍人的

即無正業之義

光棍

即耍錢的

打光棍

無妻之義

屯不錯

即鄉下人好自

出頭之義  
狗食

即鄙吝之義

耍馬流

即不安分之義

拜把子

即換譜之義

打平夥

即多人在

一處均錢買食物捉呆大夥在一處賭輸贏錢買食物之義老鼻子啦很多之義一尺朝天

的即心神顛倒之義隔眼隔色隔路俱係行為特別之義秧子即富家子弟不務正業之義土

客子即鄉間人鄙齋作熊身多俗骨之義貼六餅即曲已從人隨聲附和之義山土鯨即鄉下人

注重金錢者吹牛屌吹牛腿均係說大話之義刷勺啦即被裁撤之義白話即言多說話之

義蛤子皮蛤雜子一一柳皮均係素無正業義雛把即未學會之意自覺不錯覺之不

錯即不量力之意好大譜即大架子之意懈力懈呆的即不振作之意鬼頭蛤嗎的即鬼

計多端之意劣力劣得的即懈怠之意隔裡隔生的即感情不容洽之意亂七八遭的

即不整齊之意嘲而廣急的即精神不足之意虛頭把腦的即縷鬚之意大模大樣的

自滿之意不一無眼即好的意思楞力楞爭的即冒失之意真寒慘即受侮辱之意一虎

即鹵莽之意打凍即閉門過冬之意打圍打獵之意串門探望親友撩桿子啦即逃跑之意嘮

**科** 即閒談之義  
**幹活** 即謀生活之義  
**挖棒槌** 即挖人參之義  
**扛抬** 言語不合  
**趕禮** 即趕人情之

意  
**爽神** 即迅速之義  
**統通** 總共  
**胡咧咧** 胡說  
**老爺子** 即尊長之稱  
**老疙疸** 老帮子均為

最幼兄弟之稱  
**幹力路** 作營業之義  
**老把頭** 即木把之祖師  
**拉忽** 疏忽之義  
**磨不開** 即慚愧

之義  
**一股龍總** 即全數之義  
**攢體己** 個自積錢之意  
**起早攤黑** 朝夕勞動  
**札箍札箍** 治

病及修理物之義  
**老實點** 囑咐人不得張鬧之義  
**老實八脚的** 即忠厚之義  
**開套** 耙犁動工打

**哈哈** 鬧笑話及輕忽之義  
**到得了** 即能辦事之義  
**吃勞金** 即為人作工之義  
**拌嚼鍋吃** 即購

買美味烹飪之義  
**踢動啦** 挪動之義  
**麻溜的** 爽神之義  
**不趕蹚** 趕辦不及之義  
**糟了** 即事物

破壞之義  
**扯蛋** 謊語  
**楞頭八腦的** 即冒失之義  
**上火** 即作急之義  
**羅梭** 即麻煩之義  
**酸急**

**歪歪的** 即不利氣之義

### 匪語



臨邑地當邊塞人羣雜選性情兇悍伏莽為患民不安堵關於匪語宜於熟悉俾便緝捕故附及之

碰碼即見面之義碰即有交情頂即無交情滑走道蹻行路水呂氏項錢財板山飲酒山串

飲醉押白休息活窖有認識人可以串通頂天帽子拉線偵探嘈腹均是吃飯開克

打仗踢筋打傷狗子巡警皮子狗風子馬水櫃看人票跳子兵飛子柴火均是子彈

別梁子劫路放亮子放火漂洋子水餃壓水設卡翻張子餅珍珠散粳米飯馬牙

散蜀黍飯星星散小米飯肯海草吸食鴉片拉篇子分贓大頁長衣寶蓋子馬鞍子提

手子馬勒摔手子馬鞭子順旗子均是藏鎗插旗子均是打鎗掛

柱入幫拉柱糾合之意追央子綁票响窩是有槍之家打窩堵線頭子即偵探人樓子

日插蓬天陰越邊解散脫下散幫睡覺擊斃蹺橋安根均是睡眠之義馬刺黑天

上窰攏窰均是進屋梗子山山頭即匪號軟軟雹即夏天強搶之義秧子即所鄉人票黑

頁書信頁子衣裳換頁子換衣裳

### 服食

人民常食之穀類普通專用玉蜀黍而秫黍稻稷穀麥均次之玉蜀黍俗稱包米秫米俗稱高粱米穀米為小米稷米為稗米黍米為黃米亦曰元米稻米為粳米黍稻二米相攙為炊曰粳黃米飯非經年節及款客不常食小米高粱米均可炊為粥飯水飯乾飯三種鄉間農戶多食之包米粥餅子農民一日兩餐或三餐亦可以麵攤烙煎餅麥麵為白麵蕎麵為糙麵均可熬作湯飯煮麵條包菜餃惟打餅蒸餈餈白麵勝於蕎麥菜類以蘿蔔白菜蕓豆黃瓜茄子葱茼薤蒜倭瓜辣椒菜豆眉

豆芥菜爲日用佐膳品至冬令則鹽白菜蘿蔔芥菜黃瓜爲鹹菜漬白  
菜於缸中爲酸菜藏蘿蔔於窖內冬日熬湯佐餐鄉間待客多用磨菇  
雞卵粉條黑菜距海遙遠鮮魚罕見肉類多用猪牛羊酒類多用燒酒  
俗名爲白酒又名老白乾即高粱包米燒成者也黃酒以黃米造成之  
均爲本地出產遇年節及來客多用燒酒黃酒罕見以農家不常造也  
人民通服之衣男用青藍色少年婦女用紅衣綠裳者多均以布爲之  
縐緞鄉間從未見之樸素之風儉約之德可概見矣

### 居室

平民新居之房屋以茅草苫蓋者爲最多或有以方尺木板苫蓋者瓦  
房非城市不多見其間數爲三間至五間者居多七間至九間者最少

俱用起脊式前有門房後有正房及東西廂名曰四合房牆垣有用石砌者有用土壁建築者山間之民戶亦有架木爲屋者此居室之大概也

### 器用

當民智開化時期漸知舊有之器具不適用於用故凡城鎮鄉曲間之各油房燒鍋等商號內皆知利用機械然非富於資本者不敢輕用之農民之器用仍係向日普通之舊式此處農民大半係齊魯流氓燕趙移戶至此墾荒租地所有器具仍須沿用舊式凡鋤頭鐮刀犁張馬車等尙無更改惟扒犁背夾子係此處最得力之特產以此地嚴寒能行冰道數月山多材木用時易於作成壞時易於更換貧民冬日之生活賴

此器而得資財者頗多其餘器具類皆質樸無文此器用之大概也

臨江縣志卷之八

兵事志

災祥志

(即水旱兵火等災及天文物質上有祥瑞者)

文藝志

(碑銘序文詩歌)

大事記

大德

文德

武德

武庫

臨江縣志卷之八

兵事志緒言

兵兇器也戰危事也遭其慘變不幸孰甚志之奚益然而徵諸往古卽紅羊赤馬之劫均經詳載垂爲炯戒兵事安可不志臨江地處邊陲列爲荒服山勢險峻樹林茂密萑苻之患層見疊出近數年來幸賴維持治安諸當軸奮力督勦地方始得安靖捐軀緝匪捨命保民洵地方之干城人民之保障也第以數十年後事實湮沒勞績不彰倘不詳志遺憾恐無窮矣爰採事之詳實者臚簡端以志兵事





秦漢後之兵事志略

臨江僻處東陲居鴨江之上游長白屹於東貓山峙於西北橫老嶺南  
界朝鮮其形勢雄勝誠國防之要樞兵家必爭之地也秦漢前姑不具  
論當三國曹魏之際毋丘儉討高麗轉戰於泚水佟佳間（考佟佳即  
今之渾江泚水卽今之鴨水辭源馬訾水塩難水泚水晉之劍川江唐  
之洗袍河亦曰鴨綠江清仍沿曰鴨綠江）是爲臨江用兵之始迄隋  
唐兩朝則有遼東王入寇宇文述會師之役與太宗親征高麗薛仁貴  
進兵鴨江之戰宋眞宗大中祥符七年復有契丹蕭迪里攻擊朝鮮之  
舉明季萬歷間更有清兵破滅烏拉輝發之戰數千年來兵燹之劫所  
在多有然皆偏居一隅於國家全局無關輕重也清季拳匪煽亂僞忠

義軍盤據通化延及臨江各地其禍變無復烈於此者以及刀匪滋事兵連禍結屍橫遍野設治前臨境隸通化彼時通化之受兵禍亦卽臨江之受兵禍也茲縷述之以備後來者之有所考焉

魏 毋丘儉率師討高麗其行軍道路沿鴨渾兩江前進蓋此時朱蒙後裔據泃水南岸其勢方張毋丘儉追勦敗軍於此是爲鴨渾兩江流域用兵之始也

隋

開皇十八年遼東王帥靺鞨萬餘人

(靺鞨卽古之肅慎舊地在通化縣今已化歸臨緝兩縣境內矣)

寇遼西旋

又謝罪罷兵至大業八年煬帝遣宇文述等九人會於鴨綠江西七戰皆捷高麗遣使詐降述軍士還至鴨江潰亂九年煬帝自擊

破之高麗降

唐 貞觀十七年新羅以百濟與高麗連兵謀絕其入朝之路十八年

詔親征以李世勣爲遼東大總管率步騎出遼東二十一年太宗以牛進達李世勣爲遼東大總管率步騎伐高麗二十八年薛萬徹斬其渠帥還龍翔元年高宗使任雅相等伐高麗蓋蘇文遣其子率精兵數萬守鴨綠江唐兵不得渡武衛將軍薛仁貴與高麗戰大破之諸軍合進鴨綠柵高麗始平因分設九都督府置安東都護府於平壤命仁貴檢校安東都護總兵三萬鎮撫之毋丘儉雖渡泚水煬帝雖降高麗並未派員永遠駐守至是鴨渾兩江以西各縣始完全歸中國管轄

宋 眞宗大中祥符七年契丹以鴨江逼近高麗遣蕭迪里討之敗還

高麗遣使朝宋趙宋以前中國多事東路阻塞垂百餘年至是鴨綠江以西復通

明

萬曆年間清顯祖以地內附明之邊吏殺以請功撫鎮匿不上聞清太祖秣馬礪兵兄弟日夜爲復讎計三十四年以勒索軍糧爲名進兵開原向東北進攻擴充疆域是時葉赫烏拉猶強擬欲襲取之乃沿渾江上游進師我縣境卽爲用武之地迨萬曆四十四年明四路援師敗於撫順清太祖克鐵嶺開原兩衛葉赫之後援已絕未幾敗亡無何扈倫四部蒙古三部長白山二部合三萬兵進攻清太祖逆擊破之斬首四千級獲馬三萬匹軍威大振乘勝逐北輝發烏拉哈達先後殲滅葉赫等部既亡之後縣境內卽無

兵事之可言

清 順治定都燕京劃旺清門以外東至長白山爲禁地設台兵巡守不准採樵游收成豐年撤台弛禁游民漸集通化大廟溝一帶淘金嗣以各舉素稱悍勇之人爲首(名曰把頭)互爭權利慘案迭出因而倡亂提督左寶貴擊平之庚子夏拳匪禍起匪首劉彈子擁衆數萬僞稱忠義軍羽党林成岱到處擄掠人民苦之後雖蕩平縣境自此多故矣

初次刀會緣起與殲滅之志略

民國十六年東邊各縣常關稅釐實行徵收通化人民首起反抗是年五月刀會繼起初則禁例森嚴入會者須覓妥善保証並以勦匪爲主

旨會首張耀東復由魯省聘來張大法師鋪壇設教假符咒邪術星夜  
秘傳詐稱能將矮瓜豆腐鍊成石質試以刃器堅不能入入其會者益  
行爭先九月終旬紅土崖羅圈溝等處之刀會人數滋蔓於臨通兩縣  
間無處無之嗣因勦匪得贓盡爲通化警甲沒收並羈押會員數人其  
他會友乘機抗衡感情破裂行爲頓改氣勢熾盛與官爲敵所向披靡  
袁前知縣處此四面楚歌驚慌已極電請省署出師勦討經吳督興權  
與齊恩銘司令率勁兵兩旅尅日前來分布陣地吳駐通化齊駐八道  
江兩相會勦刀會揚言擬陷臨江四民惶恐當軸失措適有呂明坤者  
素擅以邪制邪方術警察吳所長訪得之納其言試之果驗相偕率警  
甲五百人前往嶺西迎敵與刀會戰片刻間刀會敗北加以吳齊用礮

追擊勢如破竹會匪紛紛由紅土崖葦沙河等處奪路潰散旬餘悉平時在隆冬酷寒人民避難山谷被凍殞命者枕藉生靈塗炭可勝嘆哉  
二次義勇軍緣起及殲滅志略

滿元春舊軍閥張學良秘委唐聚五徐達三等爲司令唐駐通化徐駐八道江各張旗幟招募新兵爲義勇軍而各處之刀會餘孽亦紛紛趁機復起約數萬衆六月六日徐達三率部及刀會進城逼走縣長驅逐韓商以爲威勢不震不可向邇詎知韓僑渡江報知友軍乘夜登岸佔據南圍子槍砲轟擊火光燭天徐軍及刀會紛紛逃匿四民老幼奔避頭二三溝裏臨江幾爲灰燼之空城復於七月十一日黎明時刀會擁進散布各巷激戰片時旋被友軍擊斃百四十人滿城邱墟人煙已絕



國江縣志  
六  
七月二十二日縣宰劉維清到任與友軍司令上村宏文幾經商酌用  
假勦實撫計嶺東四區刀會六千於九月間誠服來歸十月中旬關東  
朝鮮滿洲各軍始將唐聚五徐達三殲滅人民方得安居

災祥志緒言

災祥之發現載於史冊者不可勝數鳳鳴麟遊嘉禾卿雲山崩河竭雨毛雨血此雖多出於附會而史官載之亦足見天人感應之速臨江自設治以來祥瑞不多見而災異連年發生是果本諸天道之自然歟抑由於人事之缺陷歟舉而志之以備術學家之參考焉因志災祥



災異

大旱

民國十三年自春至夏數月未雨知縣俞榮慶率各界商民祈禱無效適長白道士王海濤來臨狀貌奇偉衣冠古制赤足披髮避穀默坐能三晝夜不佔枕席各界商民奉爲仙師懇祈代爲求雨乃於東公所建設法台一座高一丈六尺該道士登台坐禪翌晨黑雲密布細雨濛濛繼而大雨滂沱歷二日方止四民莫不稱慶羣與王道士做繡字道袍一領以表謝忱

大魚

三區四道溝馬面石之北有一水泡子東西長約二里南北寬約五丈

沿岸住戶常有失馬事農民鄧寶山年六十餘言泡中必有怪物作祟力勸失馬者祭之祭畢馬忽由泡中躍出於是每屆初一十五祭者爭先恐後而鄧某祭之尤謹某年鴨江暴漲四道海沿江之地皆被水冲有許多村民在岡頂確見有身長數丈之大魚橫互鄧某地頭水中若張巨帆阻水南流鄧地得保無恙僉謂此大魚之報也是歟非歟頗難憑信惟當地村民至今猶津津樂道云

### 旋風

民國十六年四月初某早十時有數丈高之旋風在中富街出東向西跟隨撫松來之馱戶王某不離左右王某止旋風亦止行至縣署前觀者百餘人門岡以爲奇立報知縣傳訊王某言平生決無傷天害理事

知縣以無人指控命討保釋放當將王某傳訊之際該旋風亦向天而去據他馱戶言王某係蓋平人風聞去歲在通化西路將其同鄉馱戶李某害死將伊牲口據爲已有真假亦無從查究

### 黑霧

民國九年春三月中旬天氣清明萬里無雲忽有黑霧自西北來天空翳黑昏不見物俄而細雨如毛雨中多含黃泥行人衣服盡污露天中諸物品上着黃泥二三分厚歷半小時始向東南去市民議論紛紛咸稱奇異

### 大火

民國十二年古曆三月初八早十時本縣興華街同興木舖因烤木板

失慎突起火焰助以風勢雖經消防隊極力撲救而火勢劇烈兼值西南大風頃刻延燒附近房屋四十餘間俄而延至中富街至午後三時許火勢始少殺市民復多方撲救始熄查被焚區域中富街路南由西市場延至東頭現在之同祥合止中間惟採木公司救出前段之東廂未焚路北由三道街延至現在之中和盛西止又由中和盛東起延至北七道街止興華街由西頭起延至南六道街止除市區一校校長張維三率領學生極力預備水器多方撲救及萬法宮所居地點在風頭之下皆無災害外其餘街南街北無一家倖免者惟文成街一家未焚總計被焚房屋約三千五百餘間青豆二萬餘石計損失國幣五百萬元誠空前巨災也查中和盛之房屋皆磚瓦風火簷故免是災

大水一

民國三年七月大雨鳴水暴漲衝入興華街木簾均由街中直行二道溝河水被江水抵溢橫流至中富街之六道街頭道溝河水漲至上坎全城幾成澤國四日始退市民損失至巨誠空前之水災也

大水二

民國十五年七月霖雨連綿江水暴漲興華街路南房屋盡塌市區一校水深三尺蠻子街盡成澤國艚船由街中通行亦至大之水災也

大水三

民國十七年六月陰雨不止江水橫流蠻子街又遭湮沒興華街亦水深三尺奇四鄉農田被冲刷者尤夥誠巨災也



大水四

民國十九年七月大雨連綿數日鴨江水高丈餘興華街以南盡成澤國蠻子街之房屋無一間存者亦至大之水災也

冰雹

民國十九年七月二十八日午刻雷電交作冰雹下降大如雞卵一區頭道溝二區二道溝禾稼盡毀田間農夫頭顱多被打傷亦巨災也

刀匪之亂

民國十六年冬第八區愚民忽起抗捐鳳潮聲勢浩大適有自通化竄來大刀會首趙某利此機會加以蠱惑聲稱符咒能禦槍礮愚民奉爲法師專殺土豪劣紳及稅務人員嶺西五六七八等區無一淨土又率

党羽圍攻通化縣城時奉天留守司令吳俊陞親率陸軍兩旅來討力解通化之圍又進兵羅圈溝及紅土崖死傷狼藉血水成渠三月餘刀匪始平誠浩劫也

祥瑞

嘉禾

民國八年夏有二區三道溝裏農民李忠福者於田內得一莖三穗之穀子一株頗爲奇異持至村公所所以備衆覽夫一莖雙穗之禾古嘗有之未聞一莖三穗者特誌之

奇樹

南老嶺之上有椴包松樹一株松幹包在椴幹之內旁有上下長縫一

條內露松皮如鱗上則枝葉交叉椴松各異誠奇樹也今名南老嶺爲椴包松嶺以此

### 神豕

縣城東關有王三其人者炊餅爲業民國二年除夕前一日欠某甲債十餘元追討嚴無以償惟養肥豕一口百餘斤許殺豕以半價償甲債甲允諾日暮飼豕之際王三謂之曰吾欠甲債無以償不得不殺汝言次淚下豕仰首鳴若解其意及夜半豕以首觸門王叱之觸益急王起持燭開門豕銜革囊置王前啓視之則銀券七十餘元王大驚異次日除償甲債及度歲外尙餘四十餘元因此德豕不殺以美食飼之逾二年豕死王瘞之屋旁今王年甫六十家道已小康焉查此事近於神誕

本難憑信然訪諸王三及本城耆老皆言之鑿鑿故志之





文藝志緒言

韓昌黎云朝馳騫乎書林夕翱翔乎藝苑蓋謂闡道統爛文藝朝考夕稽無遑蘇息也道濟天下之溺文起八代之衰挽狂瀾於既倒示規範於將來聖教趨勢納於正軌文藝雖屬小技要亦關乎文教之升降興衰賢才之沈汙發達於前已行世之三國志五代史隋唐晉宋遼金元明各有專帙增補文藝後世志書繼起發筆墨之幽光資後來之考鏡臨江開化雖晚文藝亦有可取斷碣殘碑鐫銘宜采茅菴古剝鏤刻須蒐至於宿儒著述時賢詩歌自成周採風問俗已著爲大典茲就其詞意眞摯嚴正而雅訓者甄而輯之以資流傳云



蕩平嶺碑記

菊人徐世昌

長白山自東北來崔巍磅礪其間爲勝爲異爲隩爲塞支脉歧出各異名其中峯泄而爲川鳴綠江出焉爲天然之國境世昌受職之明年以國防不可不巖

皇圖不可不廓旣得請於

朝於江北岸舊臨江縣東鄙之塔甸增設長白府治而塔甸實在山與水之間南枕江流與朝鮮人可對岸語北則穹岡倚天林谷深阻崩崖旁頽援徑下仄道葑不可行也蓋隔奉天且千五百里援絕而維州傾勢懸而珠崖棄奉長之路不達則長白終不得而治而臨江爲長白西蔽不達臨無以通長故通道自臨江以西之老嶺始老嶺者亦長白支



脉之一也連山屈盤巉巖危壁峭絕不可通通其西小嶺凡治徒數百役數月闢治蹊徑填壑架梁爲百二十里而數千年之障塞遂一舉而蕩平車可方軌焉故名曰蕩平嶺是役也知府張鳳臺同知李廷玉實終始其事困慮規擘不憚勞頓以至於成可錄也夫不暫費者不久利不一勞者不永逸平治水土莫若禹禹通道於九州隨山刊木東至碣石而止則碣石以上循長白山脉而東固禹跡所不及而有待於今日之蕩平也歟塞外自古多荒漠之地往往經數千年而陵谷不變其舊與混元無異蓋禹跡不到則人遂無有至焉者亦見創始之難通道之不易而禹之功偉也茲嶺之開曾何足媿禹功於萬一特以經營所始適當禹跡所終其事有若可異而跡之所遺者功之所存維自今長白

高原殷盛熾大振萬古之孕育發無窮之寶藏以保釐我

皇家於億萬斯年永永無極則是嶺之開有若攝其緘而啓其扃也是則可記者已

欽差大臣陸軍部尙書銜都察院都御史管理

三陵事務大臣總管內務府大臣東三省總督兼管三省將軍事務徐世昌撰并書

光緒三十四年嘉平之月

蕩平嶺碑記

張鳳臺

嶺以蕩平名我

節帥徐公嘉其路工告成而名之者也查此嶺諺稱老爺嶺爲長白山

西南支嶺之一崆峒嶽嶰蒼鬱灌叢芒芒黦黦泱泱無垠蓋數千百年於茲矣戊申夏四月鳳及廷玉蒙

撫督

憲檄委增治長白遙制巖疆事關邊要應豫籌全局鋤梗塞駛交通緣長白一郡半絕東陞捍臨蔽通屏藩遼瀋乃兵家所謂主要地也故通長必先通臨斷自老爺嶺始詢及土人僉云嶺道有三曰南曰中曰北北道循三岔子溝門躋嶺巔繞四平街達三道羊岔跨河沿嶺勢險甚南道肇造於林子頭穿亂石窖鑿珍珠門闡寶德泉攀椶抱松嶺迤東達臨傾崎隕崖道阻工鉅中道渡白水泉越南山坡仍與南道合此三道概不易修鳳等踟蹰嗟嘆者久之道路相傳言人人殊聞自嶺西馮家窩舖迤邐而東抵戚家窩舖土多石寡舊爲左翼長寶貴開闢之

串林蹊徑此次炙風淋雨宿露餐霜自屆冬令則氈冰幕雪倚樹圍山  
數月之間斫樹千萬株開道十八盤架橋梁大小百餘通透迤修迴悉  
底於平馬並轡車方軌行旅稱便若非該隊長李景明等督率勤勞奚  
克臻此鳳等材短任艱方懼弗勝幸在事各員黽勉從公既仰副

撫督 憲控馭之懷且以襄

朝廷蕩平之治用特述顛末鐫之石並員弁銜名具著碑陰以昭來許  
非夸也以示邊防之重路政之基實始於此是爲記

總辦長白府設治事宜軍機處存記署長白府張鳳臺

幫辦長白府設治事宜候選同知署理臨江縣知縣李廷玉

五品銜候選教諭田（剝脫殆盡無法辨識其名）

光緒三十四年嘉平之月

碑之背面

勘界委員正任錦州府經歷

劉建封

勘界委員調奉補用府經

許中書

工程隊稽查員五品軍功

李煥文

第一隊工程長

補用都司

李景明

第二隊工程長

陸軍學生

王貴然

第三隊工程長

府經職銜

費榮光

測繪生

劉殿玉

康瑞林

陳德元

王瑞祥

李敦錫

前東邊道尹王公理堂去思碑

王登萊

夫碩畫蓋籌綏邊必用武明德弼教知感莫如民古之人或以一政新  
奇或因一事遺愛孰不變風雲耀金石上邨閣之頌立欒布之祠茲我  
前東邊道尹王公理堂者豈徒一政一事之可傳也公商城望族累代  
書香逾弱冠而登賢書荐才識而爲牧令疊膺赤綬再署黃堂宦轍所  
經政聲卓著民國八年督辦東三省清鄉事宜刪改舊章治亂用重典  
安良除暴道政齊刑民國十年授東邊道尹本經文緯武之長才任內  
政外交之要職公以舊道德沐新文化提倡實業熱心教育沈機應變  
濡迹匡時任事不及三年巡視節經五次冰天雪地烈日狂風露宿霄  
行不辭勞瘁登高涉險必窮本源於是考山川之形勢盜賊之隱踪設  
電話以期消息靈通編林警以便指揮剿捕擇險設防藉資控制鑿山

開道俾利運輸無一事不慎始圖成無一案不準情依法凡人之視爲  
緩圖者靡不深思遠慮而督促之凡人之難爲艱鉅者靡不盡心竭力  
而經營之至對於友邦遵成約以重主權敦睦誼以持公理消隱患於  
言歡之際梅錄識豐州而無爭清積牘於談笑之間單于視王商而生  
畏今臨邑學校林立士子十倍於昔兼之女學亦漸昌明案牘循成規  
盜風漸息民安皆樂利商務日興民之慶也公之力也惜癸亥冬以事  
變遷潔身引退羣興借寇之思未獲准留之命惟甘棠蔽芾全境蒙麻  
恩以樹而逾深政以久而益盛編堂垂範明知非郭丹之心勒石建碑  
聊以表阮略之德云爾

邵管帶功德碑記

仁德兩保敬立

蓋聞實惠難泯南國留遺愛之篇受恩必報河內立生祠之祀自來功德在人糜不食報千古永垂不朽也伏維我

奉天右路巡防步四營管帶官邵公統軍通臨已逾十稔整躬率屬有口皆碑其治軍也拊循士卒推心置腹接遇官長誠信相孚感人者深故所轄分防各隊咸能唯命是聽有如指臂游擊盜匪所在有功其處已也無驕矜氣有謙遜風平易近人不高聲價詎非涵養功深能如是乎况邇年以來渾江上游幾成胡匪之淵藪而我仁德兩保尤以三岔子一帶爲胡匪出沒不常之境自非有勇敢絕世不顧生死之人不足以資鎮攝

邵管帶有鑒及此於是調前哨齊哨官駐防斯地齊君到防以後不辭



勞瘁身率士卒到處游擊而每遇與匪接戰輒身先士卒奮不顧身務期匪類消聲滅跡而後已至於哈哨官扈哨長威名素著防守江街尤爲異常出力足喪匪膽劉哨官繼守三岔子一帶保商衛民亦能不負厥職媲美前人故頻年以來商民得以安全實賴各哨官長之力然邵管帶之知人善任調度有方於此亦可鑒一般矣商民等崇德報功不忍湮沒謹率仁德兩保全體商民刻石立牌旌以往而昭將來用誌不忘云爾

中華民國六年九月二十二日

臨江縣教養工廠碑記

俞榮慶

蓋天地爲爐造物爲冶生民而不能化民道之以政齊之以刑治人而

不能作人必有一焉取諸頑梗啓牖陶溶納之軌物利用厚生以教養相感格庶補天地之偏而濟法律之窮此吾臨江教養工廠所由設也臨岩邑也林木幽深江山繚繞遐荒初闢民治難齊草澤之萑苻憑陵形勢豕突狼奔撲而屢起蒞治者尙猛則止沸揚湯言寬則揖讓救火幾若非龔遂莫能收其效者無他失教失養者多而政治之具陋也列憲有鑒及此督設工廠欲爲清源正本之謀而舊令尹均漠視之辛酉冬余承乏是邦百廢俱興亟思經營以成斯舉越明年春創議建立詢謀僉同賴邦人士踴躍樂輸爰居爰度迺築室於茲登登憑憑者十閱月而聿觀厥成美奐美輪外齊內納足容蒸庶羣萃州處而事事本仁慈之良知施強迫之教育恒以感化造就爲主旨先之以勞勞則思思

則善心生繼之以學學則明明則知藝出天工人代而化莠爲良此平民精義也吾因之有感矣慨自教化日益彰慈善事業日益著將隨天演之競爭相持於不敝於萬斯年永垂模範是所願也爰爲記之

中華民國十二年 月穀旦

教養工廠碑陰繫辭

古越俞榮慶誌

天生蒸民有物有則刑教陵夷淪胥彝德乾餱以愆孰爲解忒罪疑惟輕姑息蝨賊能吏矜才或流深刻權而失中怒焉心惻聿修工廠乃兼衆長包羅神化開闔陰陽陶鎔鼓舞滌濺肺腸至誠感格苦海慈航文明促進惠此遐荒政有變遷教無或墜民有智愚養生無異覺岸誕登良知相示昔犯奸慝今始知非勞動神聖相與依歸昔苦飢寒今獲安

食日出而作日入而息昔無所事游蕩徒嗟人皆有技可贍身家相彼  
行爲習藝戮力寓化於形堪矜新式慚余藐躬經營伊始僅恃勸懲闢  
利靡己力皆出身不必爲己治具畢張漸臻上理賢勞彬濟無忽新民  
大同有象化育爲仁貓山之麓鳴水之濱風聲永樹天地同春

臨江縣警察二區區官姚金閣勦匪捐軀紀念碑 袁葆真

昔大梁良將王彥章有人死留名一語如臨江二區區官姚星樓可謂  
不愧斯言矣按星樓君官篆金閣山東泰安新泰縣人也其生平忠勇  
之氣根於天性待士以誠接民以和猶其餘事以故自抵臨江充警差  
以來屢立奇功弗可枚舉不幸於民國十五年十月三十日在三岔子  
五道羊岔地方與大股匪首占九州等接仗殺匪無算卒以英勇而陣

亡警官之中又弱一箇舉縣紳民不勝哀悼爰爲之立碑表彰厥功以期永久不朽云爾

中華民國十六年十月十九日 立

臨江縣臥虎山巔忠魂碑記

劉維清

事之可以碑記者約有數端一則開始創作一則功德在民而仗義聲討捐生命以援助鄰邦者尤不可以一日忘臨江地居山辟夙爲盜藪大同紀元初人心浮動匪勢猖獗是歲六月間竟長驅入縣城踞中樞作負嵎勢莫有敢撓之者鄰邦大日本帝國爰集軍警仗義直前力戰一晝夜卒能追奔逐北城市街衢盜匪悉絕跡秩序漸恢復人心乃不數數驚而友邦軍警忠勇義士轉以殺敵致果爲困獸所反噬取義成

仁以去者達十七人 維清 奉檄來守斯土收拾灰燼之餘始終賴此餘

威得有今日之安謐古有救災恤鄰之義今乃獲親見之嗚呼逝者已

矣吾儕厚蒙覆庇曾無一字之表彰俾赫赫功勳泯焉澌滅撫衷誠不

能旦夕安爰率閭邑紳民人等撮其平亂捐生始末爲文勒石庶偉烈

幽光永昭垂於貓山鴨江間亘千萬年而不朽是爲記

大日本帝國陸軍步兵七十七聯隊陣亡官兵列左

陸軍步兵中尉 澁谷信三 陸軍步兵上等兵 西村勘藏

陸軍步兵少尉 左藤登志丸 同 上 新谷定七

同 上 白岩幸藏 同 上 玉置實喜雄

陸軍步兵曹長 富山圓海 同 上 獄原幾仁

同 上 茂利田茂藏 同 上 崎濱盛福

同 上 小鼻萬次 同 上 白井利一

朝鮮總督府巡查部長 久原乾 同 上 多田義雄

同 上 四至木直次郎

同 上 藤井留吉

同 上 足立健治郎

長撫地區警備軍第七旅陣亡士兵列左

第一營一等兵 趙德山

滿洲國臨江縣陣亡官兵列左

一中二分隊長 王志鰲 游擊隊班長 梁忠玉

游擊分隊長

羅秉文

班長

劉振江

太平村警士

叢德山

四中一分隊

長班

王鳴辰

臨江縣縣長劉維清撰文

鴨綠江採木公司參事  
帽兒山分局長

王英璽書丹

大滿洲帝國大同二年

月

日穀旦

詩歌

送駐臨上村中佐歸國

事詳名宦志

劉維清

深仁厚澤邁前賢患難扶持月兩圓  
剿撫功成歸國去相逢未卜在何

年

送駐臨加藤少佐等歸平壤

夏歷十二月十五日夜有感而作

前人



透骨寒風午夜天有情皓月照山川良朋携手平壤去獨佇窗前魂黯  
然

送駐臨福崎隊長

前人

氣度雍容御衆寬豐功偉績著江干此行應借東風力吹上千尋大將  
壇

贈來臨鴨渾兩江水上警察坂元隊長

前人

與君邂逅在邊城深目濃髯氣概宏跡徧兩江功業懋關心唇齒共存  
榮

送駐臨福留隊長

前人

相處一年久歡然氣味親深情同骨肉遺愛在人民發伏摘奸日忠君

報國辰孤帆天際遠  
悵望倍傷神

臥虎山紀念碑

臨江事變日滿軍警戰死者忠碑

前人

形同臥虎接蒼穹  
碑碣巍巍遙望中  
遍地妖氛歸掃蕩  
舍生義烈仰仁風  
青山有幸表忠蹟  
白石無瑕紀戰功  
名震鄰邦垂不朽  
由來時勢造英雄

臨江八景

鴨江春景

前人

十里微波浴翠蘋  
韶光明媚付詩人  
東皇有意催春至  
柳色江頭日日新

貓山聳翠

前人

曙空插翠入重霄對崎雙峯極目遙疑是輞川揮醉筆寫成圖畫繫天腰

鐘塢垂綸

前人

新秋稻熟鰲花肥萬頃烟波照落暉堪羨綸頭垂釣客持竿靜坐樂忘機

臥虎新雪

前人

紛紛瑞雪遍西東臥虎山頭屐跡通得意詩吟驢背上儼然人入畫圖中  
千林瓊玉峰嵐古萬樹梨花造化工適去尋梅猶未放十聯書在寺屏風

廟前古樹

前人

千章夏木鬱森森飽受塵埃日色侵十畝陰濃連古寺半居城市半山  
林

正陽集帆

前人

烟波十里楫橈長無數風帆照夕陽款乃一聲舟夜泊正陽門外水中  
央

夕陽晚渡

前人

春山如笑晚涼天携幼扶筇鴨水邊遙指半江橫渡處斜陽明滅數風  
帆

理寺晨鐘

前人

高臥南軒夜已央疏櫺奄奄度晨光忽聞理寺鍾聲動驚醒人間夢一

場

鳴江春色

心佛王英璽

春來錦繡滿山河  
鴨綠江頭皺綠波  
底是東風解凍候  
其如南浦送君何  
沿堤弱柳添閨怨  
破浪輕舟放棹歌  
曉日明霞橫兩岸  
天光水色影婆娑

貓山聳翠

前人

放眼城西到嶺坳  
遠山草色欲看遙  
梯田錯落疑如畫  
削壁崢嶸望似貓  
石上苔紋經雨洗  
林間柳汁任風搖  
那知野外尋春客  
寫入新詩有半瓢

箨隲垂綸

前人

漫云緣木竟魚求夾岸江深大木浮且爲棟梁材預選聊將簞笠事優  
游不綱原寓仁人意隱渭豈無濟世謀釣得細鱗還買酒如天事大醉  
中休

臥虎新雪

前人

繞郭羣山勢不平有形如虎臥江城只因春到風狂嘯恰遇朝來雪放  
晴粉飾峯巒失面目妝梳林木若瑤瓊果然形色眞天造極目觀來眼  
倍明

廟前古木

前人

佛家勝事說三唐此樹獨存古氣蒼斷碣殘碑同不朽盤根錯節自成  
章輪囷不犯神靈忌拱把常圍日月光畢竟何人遺手植那知歷劫幾

滄桑

正陽集帆

前人

正陽門外水中央多少風帆聚此方  
紛錯往來爲利在縱橫擁擠接流  
長炊烟繚繞如村落人語諠闐似市場  
更有漁舟牽網罟得魚唱晚古  
伊涼

夕陽晚渡

前人

漁樵商旅少知音秋日斜陽緩緩沉  
饒有乘風破浪願空懷櫂轡澄清  
心櫓搖人影同巔倒水起烟波記淺深  
未幾輕舟飄一葉誰家燈火又  
遙臨

理寺晨鐘

前人

何處鍾鳴到者邊驚回曉夢尙鏗然似非凡響來僧院倏爾晨光送客  
船萬籟空虛清淨地一聲繚繞太和天耳根證入知多少歎息紅塵未  
了緣

秋夜

前人

几坐蕭齋百感縈秋來天氣一何清蛩因夜靜聲偏遠月被雲遮色轉  
明剪燭頻吟永叔賦登樓獨動仲宣情年華逝去原如水閒撫龍泉訴  
不平

禪院

前人

興至來禪院觀花見道心竹深多鳥語濤定悟潮音鎮日煩襟滌通幽  
靜境尋高僧閒共話解帶聽彈琴



月山學士招飲卽席有作

前人

識君曾記在邊城文字論交意自傾相對無言惟勸飲殷殷饒有故人  
情

望江樓

前人

天然形勢似層樓把酒登臨萬慮休好是風平浪靜候江中時見羣鷗  
浮

送別

前人

君胡爲者昨日來青燈綠酒歡無涯君胡爲者今日去征馬嘶風不得  
住歲月駸駸雨雪深河梁惜別發哀吟當頭惟有今宵月共照離人一  
片心

緝塢垂綸

張之言

鵬緣波翻正一篙天光雲影水滔滔長杆裊裊微波動隱坐緝頭釣六鰲

感懷

曲松奄

何 一生心力半消磨無限風雲眼底過昨夜月明今夜雪來宵天氣更如何

晚登臥虎山

前人

花 晚景蒼茫日影斜炊烟縹緲兩三家瞥然一陣東風過吹落枝頭桃李

其二

前人

迢遙天末晚霞紅  
城市蒼茫眼界空  
莫怪是山名臥虎  
林間一嘯自生風

望江樓

前人

層巒聳翠淡如妝  
擘日千尋勝岳陽  
筆架雙峯分左右  
樓頭點到水中央

送三女回南海

邱在官

頑堦今朝別樣痴  
雙眸炯炯佞何之  
老夫爲此偏憐汝  
數載艱辛爾亦知

弱女雛甥出華門  
老人相送倍銷魂  
柔腸百結千行淚  
滴汝衣襟寄故園

歸來面壁暗心傷千里江流擬恨長回首強顏慰老婦倩君熱火且烹羊

滿眼羣峰掛落暉老荆相伴倚柴扉貓山南麓依稀望怕見風帆帶日歸

寸心輾轉待如何無計遣驅此睡魔遙憶孤舟離女淚今宵更比昨宵多



臨江大事記弁言

最古無大事記究其起源創始於宋之呂祖謙考其內容起於周敬王三十九年止於漢武帝征和三年原擬起於春秋迄於五代會疾作中止故其著述只此而已嗣有王禕續編由漢征和四年迄周恭帝顯德六年凡七十七卷厥後宋之呂中復撰大事記講義二十三卷其中叙述自宋代開國至於徽欽緝其一切政事制度加以論斷體例別具一格此大事記之由來也

第一節

臨江隸屬沿革自黃帝迄於秦漢或屬遼青或屬營幽隋唐兩朝或屬渤海國或屬安東都護府以及女真契丹遼金元明清歷代遞嬗各有

沿革今我滿洲帝國成立仍屬於奉天省康德元年十二月除蒙政部直轄興安東西南北四省外改全國爲十省現屬於安東省矣

### 第二節

臨江僻處東陲位置與長撫濛金通輯六縣接壤南隔鴨江於朝鮮相望幅員遼闊面積約四萬七千三百方里形如蝙蝠周圍一千五百八十五里

### 第三節

縣城三面連山一面臨水龍爪山斜峙於東貓耳山矗立於西臥虎山橫亘於北鴨綠江環繞於南山環水抱形勢天然

### 第四節

境內山陵多而陸地少雖無膏腴良田而全縣八區中如一五六七各區之土質亦頗宜於禾稼農事儘可講求每歲收穫量堪稱豐富餘如山坡岡頂初開時播種豆穀亦見豐收但十年之後冲盡腴土則成棄田矣

### 第五節

溯自清季光緒三年通化設治本縣屬焉彼時僅設貓耳山巡檢一員始終駐八道江鎮迨光緒二十八年復經大吏奏准清庭設臨江縣治凡政治制度始有具體之規定

### 第六節

光緒三十二年知縣李廷玉奉令創辦警學警察借居民房委翟兆祺



爲警務長又於興華街設置校舍正室瓦房七間東西草房各五間成立師範傳習所一級一年畢業此臨江警學之萌動時代也

### 第七節

光緒三十四年四月東三省總督徐世昌奉詔開通奉長道路自通化至長白勢必先通臨江之老爺嶺故飭長白府知府張鳳臺臨江知縣李廷玉協同監督其事至十二月初嘉其路工告竣向之巉巖危壁今則變爲坦途故改老爺嶺爲蕩平嶺云

### 第八節

自宣統元年知縣李廷玉成立初級第一小學校次年繼任知縣熊植自奉省聘請湖南寧鄉縣優級師範畢業附生文懷亮爲校長考取邱

在官爲國文正教創辦兩級學校代辦勸學所事宜一切上行文稿皆文邱代辦此臨江勸學所之萌芽也民國九年知縣惠豐專請省委任孫丕承爲教育所長十一年教育所長孫丕承募款修置教育局舍於興華街前後瓦房十間臨江教育始有獨立督辦之基礎

### 第九節

宣統元年經王顯祖請准在本城中富街創立電報局以通消息

### 第十節

宣統二年知縣李光第始奉令創辦自治研究所民國元年知縣王濟輝成立城廂及鄉鎮議事會並與撫長輯安各縣協同選舉省議員

### 第十一節

民國元年經王耀祖奉令在本城中富街創設郵政局

### 第十二節

民國四年經知縣潘毓岱向安東採木公司貸款十八萬九千餘元在五區三岔子等處建築輕便鐵路兩條以便運輸木料

### 第十三節

民國五年遵令創辦預警旋復變爲保衛團當委趙金山爲團總是爲本縣設編保甲之發軔也

### 第十四節

民國六年安東水上警察廳以鴨渾兩江經過數縣流域遼遠因於本縣創設水上警察分局辦理鴨渾兩江水警政

### 第十五節

民國十一年經紳士趙金山請准官督民辦電話局在中富街南頭道街設立局所公推趙金山爲局長至大同元年全局被焚復經紳士張之言重新整理遷至農會後屋

### 第十六節

民國十四年春經農務會長趙金山向八區農民募款於縣署東邊建修瓦房前後兩層共計十間農業機關由此始有固定會址

### 第十七節

民國十四年本縣始奉令創設司法公署當委徐鐵樵爲司法監督附設縣公署內

## 第十八節

民國十六年秋常關稅開征激成大刀會匪之禍先由嶺西紅土崖起蔓延於西四區凡五越月始平定

## 第十九節

縣城及八道江屢受水患民國十九年經縣長董敏舒招集地方士紳組成江堤委員會預算須款二十三萬元康德二年春開工建修

## 第二十節

大同元年六月本城事變警察大隊長徐達三僭稱司令率同刀匪數百進城逼走董縣長當夜被友軍由鮮岸開炮轟擊匪賊敗退焚毀城內房產甚夥人民逃避四鄉城內除友軍外幾無人烟後經農會長張

之言出首招集地方有力士紳回城組織臨時治安維持委員會維持地方一切秩序

第二十一節

大同元年七月二十二日縣長劉維清到任視事地方始有主宰

第二十二節

大同元年八月間匪徒嘯聚於三道溝門友軍擬以炮火殲其醜類劉維清縣長當以良莠溷跡投鼠忌器尤恐玉石俱焚百端譬勸救出靈財產無算刀匪六千誠服來歸嶺東始安

第二十三節

大同元年九月駐帽兒山守備隊長加藤司令率領軍卒協同關東軍

攻擊偽司令徐達三於八道江鎮徐逆敗績日本軍大獲勝利徐逆被擒匪徒瓦解嶺西亦安

### 第二十四節

大同元年十一月間奉令於縣公署添設參事官古川章劉榮紀兩員  
二年春添設指導官冬季復添設屬官玄基永一員共相助理

### 第二十五節

大同二年三月間閣縣紳商感戴縣長劉公德政恭送萬民衣傘旗匾  
聯等品借表愛戴之熱忱

### 第二十六節

大同二年七月三十日本縣始成立無線電信局附設縣公署院內歸

奉天省公署情報處直轄由九月一日改歸軍政部管轄

第二十七節

大同二年九月長撫地區警備軍司令部由關裡遷於本城假縣署東院警察署舊址建修司令部總司令李壽山副司令張宗援率同全軍分駐於長撫安蒙各縣長期駐防

第二十八節

康德元年五月滿洲電業股份有限公司安東支店臨江出張所在臨開始建築十一月底房屋落成十二月二十日正式發光

第二十九節

康德元年三月安東採木公司將三岔子輕便鐵路拆毀遷於縣東五



道溝重建輕便鐵路由五道溝老坡口起至溝裡小西溝止計四十英哩

第三十節

康德二年四月二十日安東省公署派土木科長黑田來臨二十一日埋立建修江堤標樁由頭道溝臨通門裏城隍廟西起經臨輯門江沿泊船廠臨江門至二道溝臨撫門止長約五里底寬七丈五尺頂寬二丈五尺高處三丈二丈低處四五尺不等預算國幣二十四萬餘元除由縣募捐十五萬元外概由國庫補助六月動工二年竣事此堤一成臨城永無水患矣勝舉也